



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica IV. Quadragesimæ. Deus panibus, Mundus suos carnibus pascit.

[urn:nbn:de:hbz:466:1-51496](#)

DOMINICA IV. QVADRAGESIMÆ.

Deus panibus; Mundus suos carnibus pascit.

Accepit IESVS panes. Ioann:6.



Ulam verum sit illud Philosophorum: qui dat esse, dat consequentia ad esse, satis abundeque probat amplissimæ rerum Vniversitatis unanimis authoritas. Videmus enim creaturatum cuique à liberali Parente natura ita liberaliter provisum, ut quo conservetur, minimè laboret.

Math. 6.

Lilia non laborant, neq; nent, & tamen Salomone ipso augustinus vestiuntur.

Luc. 12.

Corvis non est cellarium, neq; horreum; & tamen laute epulantur. Passeres non seminant, & granis vescuntur; pecora cocos & focos non habent, & mensas inveniunt. Solus homo vi-

Gen. 3. 19.

cum suum multo sudore mercatur, cui uni dictum: *in sudore vultus tui vesceris pane*: non illi per ventos asla columba, ut hirundini musca venit, non mensæ cibis instructæ obviant, quales Brachman aliquis Jarchas Regi suo ob-

(a) Philost. Apollon. l. 3. c. 8.

viare docuit: (a) si vivere vult, ter ram colat necesse est, exculta semen tem injiciat, natas inde fruges metat, demessas trituras, post tritaram molæ, ac deum furno, ignique subijciat. Tantæ molis est velcum conficere panem.

Eccli 29.31

Est panis, ut loquitur Sapiens, *initium vitæ hominis*; vel, ut Tigurina vertit, *summa vitæ humana*. Alij ex Græco α' εχην Principatus, primas tenēs.

Levi. 26.26

Moyses baculum vocat; (postquam con-

fregero baculum panis vestri) quia illi tanquā baculo vita hominis innicitur.

Hinc innato quodam appetitu vel ab ipsis infantibus expetitur. Hieronymus enim cum Origene experientiâ compertum testantur infantem necdū à propriâ nutrice fari doctum primam vocem Hebræam ωντις lechem, quod est panis (an casu, an aliunde auditam, hîc non quero) pronunciasse.

Nonnulli per panem, ipsam vitam intelligunt, dum impium illud Judæorum de Christo ænigma: *mittamus lignum in panem ejus*, sic explicant: duro Hierem. II. 19. & acerbo crucis ligno illius vitam oppri- Cresoll. an- mamus. Ipse quoque Dominus panem thol. c. 12. vita, se se nuncupat; ego, inquiens sum Sect: 7. panis vite. Nihil ergo miremini in loann. 6.

hodiernum tam prodigiosum convivium carnes adhibitas non esse, utpote Autori vitæ summè exosas, quia mortis sunt symbolum; quod præsenti dictione illustrabo, ubi ostendero Deum panibus, mundum vero carnibus convivas suos pascere.

Posteaquam Divinus Plastes formatis è limo Protoparentibus inspirâsse spiraculum vitæ, primam statim curam in providendo illis victu posuit, dicens: *ecce dedi vobis omnem herbam afferentem semen super terram*, & uni-versa ligna qua habent in semetipsis se-mentem generis sui, ut sint vobis in escam.

Gen. 1. 29.

N

Ex

Ex quo Interpretes communiter colligunt, homines usque ad diluvium solo pane, herbisque vicitasse, & idcirco vitam ad nongentos & amplius annos prorogasse. Sic canit Boëtius.

*I.2.de cōsōl:
Met. 5.*

*Felix nimium prior etas
Contenta fidelibus arvis.*

*Ovid. l. 15.
Met.*

*Et Poëta Ethnicus.
At vetus illa etas non polluit ora
cruore;
Tunc & aves sua movere per aera
pennas,
Et lepus impavidus medys errabat
in agris.*

Gen. 9.3.

Post diluvium verò licet concesserit Deus Noë, ejusque posteris esum carnium, tamen non ut carnes manducari voluit, sed ut olera, siquidem adjecit: *quasi olera virentia, tradidi vobis omnia.* Super quæ verba ita D. Ambrosius: *utantur, qui utuntur carne tanquam oleribus, non ad distensionem nec ad arvinam corporis, quam epula facere consueverunt.* Et ceu periculum aliquod in carnibus lateret, priùs eas sibi offerri, ac immolarī voluit, ut securè, inquit Chrysostomus, ijs homo uti posset, utpote quæ jam Deo oblatae, litatae, & sanctificatae essent. Multos legimus à Deo miraculosè pastos, raro tamen alio cibo, quam pane. Manna, quo D evs pavit Judæos in deserto, habebat saporem *quasi panis oleati*, inquit Scriptura. Et quamvis ad murmur eorum subinde carnes pluerit, tamen dum illa adhuc essent in ore, ecce furor Domini concitatus in populum percussit cum plagâ magnâ nimis. Eliam Thesbitem ad mortem lassum cœlitus missus panis subeineri-

Num: 11.8.

cius ad quadraginta dies confortavit. Paulum primum Eremitam jubente Deo sexaginta annis dimidio panis fragmento corvus sustentavit. Cente. Surius in nis S. Dominici Fratribus Angeli can- ejus vita & didissimos panes ad mensam ministrā Aug. runt. Lubet factum audire. Cūm Romæ, ut refert Surius, apud S. Sixtum centum Fratres cum S. Dominico sub Evangelica degerent paupertate, die quodam domestica vacante, penu duo ex illis ad corrogandam vicatim alimoniam ablegantur. Cumq; à mané usque ad tertiam obeundo nihil corrogassent, jam domum revertentibus occurrit muliercula, quæ panem ultrò obtrusit, dicens: nolim omnino vacui redeatis. Pane accepto è vestigio pauper adest, & ipse stipem à Fratribus obnoxie efflagitans. Cumq; hi necessitatem propriam, prætendent, & ille nihilominus instaret, hoc quod habebant, unum suæ famis obsonium, elargiuntur. Redeuntibus factus obvius Dominicus & per revelationem facti jam gnarus; nihilne, inquit, affertis Filij? Illi rem ut evenerat, exponunt. Tum vir Sanctus hilari vultu: rectè omnino actum est; Angelus is fuit, & Dominus pascet servos suos. Eamus oratum. Egressus ab Ecclesia jussit Fratres ad prandium adesse. Cūmque nonnulli hæsitarēt, quod scirent deesse alimoniam, tandem omnibus signo dato congregatis, Vir Sanctus mensam benedicit. Assidetur; lectori pro more legendi negotium datur, Dominicus interim junctis manibus in oratione persistit. Et ecce duo formosissimi adolescentes triclinium ingressi

gressi panes candidissimos singulis si-
gulos ab infirmis exordiendo apponunt,
quo facto statim se conspectui omnium
subducunt. Convivæ nunquam se tam
lautè pransos testati sunt. Quid quod
nec ipsi coelites lautiùs epulantur, quā
in pane, ut ex ipsis Christi verbis colle-
git quidam ejus commensalis dum de
coelestibus epulis differenti epiphone-

Luc. 14. maticè sic acclamavit: *beatus qui man-*

ducabit panem in Regno Dei. Istæne
cœli cupedia? ubi aves Phasiacæ? ubi
earum cerebella? ubi linguae phœni-
copterum? ubi attagen? ubi perdix?
ubi capus? Si solo apud superos vivi-
tur pane; melius est nobis in terra se-
dere super ollas carnium; *anima nostra*
nauseat super cibo isto levissimo. Sed e-
nim quidquid occlamet gula, manet
verissimum axioma medicorum diver-
sitate ciborum nihil nocentius. Nam, ut
canit Satyricus,

- simul assis.

Misceris elixa, simul conchylia
turdis,
Dulcia se in bilem vertent, stoma-
choq, tumultum

Lenta feret pituita, &c.

adeoque certissimum & infallibilem
morbum; nulla quippe potior causa
est, ut docent Physiologi, cur homines
post diluvium brevioris sint vitæ, quā
quod nimiā ciborum varietate pu-
gnantes qualitates generent, & mul-
tum de facultatibus naturalibus immi-
nuant. Confirmat hoc ipsum Sapiens
dum ait: *in multis escis erit infirmitas*,
vel, ut Syrus verit; *præ multitudine ci-*
bis fit homo valetudinarius, & qui multus
est in comedendo, infirmatur. Vnde enim

Eccl. 57.33.

podagra? querit Chysostomus; unde Chrysostomus:
pendula rigidaq, corpora? nonne ex im-
modicis cibis? In cœlo nullum unquam *Act. c. 25.*
audivimus infirmatum; procul enim
ab illa patria morbus, procul ægritudo,
procul dolor, teste Domini ocello. Cur
ita? Quia uti dictum, omnes, etiam
Angeli, non aliud comedunt, quām
panem.

Per panem potest intelligi, primò
ipse Deus. Hunc intellexit S. Augu-
stinus in illud Pharisæi suprà: *beatus qui*
manducabit panem in Regno Dei. Quasi,
inquit, *in longinquum supirabat, & ipse August. de*
panis ante illum discumbebat. *Quis est verb. Dom.*
panis de Regno Dei, nisi qui dicit: ego sum secundum
panis vivus, qui de Cœlo descendì? Jam *Luc. ser.*
si comedio alia est oris, alia sensuum
& mentis (dicere enim solemus non
posse nos satiari pulchra aliqua lectio-
ne, pulchro conceptu, pulchra dictio-
ne, pulchra imagine, aspectu amici) ni-
hil aliud erit panem in cœlo comedere,
quām Deum videre. Hujus visio
sola & unica mentes Beatorum ita sa-
tiat, ut non esuriant, neq, sitiant amplius; *Apoc. 7.6.1*
quemadmodum sibi ipsi vaticinabatur

David: *satiabor cum apparuerit gloria Psal. 16.15.*
tua. Et paulò antè citatus Augustinus *Aug. in*
in illud Psalmi 102. quis satiat, (DEVS) *Psalm. 102.*
in bonis desiderium tuum, sic eum indu-
cit loquentem: non satiabor de mortali-
bus, non satiabor de temporalibus; aliquid
eternum donet Deus, aliquid aeternum
concedat Deus. *Dee mihi tres panes.*
Quales amabò panes? *Verbum suum*
mihi det, Deum apud Deum. & se Deum
Patrem & Filium & Spiritum Sanctum.
Novi bonum ejus quod desiderem, novi
quid mihi sufficiat, video hoc in Philippo:

N. 2 Osten-

ostende, inquit, nobis Patrem, & sufficit
nobis. Solum Patrem desiderabat; o-
stendit Dominus tres panes desiderandos.

Secundò per panem cœli possunt in-
telligi divinae gratiae, & auxilia, voca-
tiones, illustrationes, & his similia,
quæ sunt ipsius Dei veluti particula &
quas ipse Deus nobis in hac mortali vi-
ta degentibus in os ultrò intrudit, ut
nos in vitam æternam nutriat, nutrices
imitans, quæ panem dentibus commo-
litum & præmansum in nodum collig-
gantes ori infantis solent imponere, ad
sugendū. Apud Veteres duo maximè in-
signia amicitiae habebantur symbola:
Panis & Sal. Sic Macedones cùm a-
amicitiæ fœdus inibant, panem gladio
divisum utrinque gustabant. Sic Ale-
xander cum Rhoxanem in conjugem
ducere vellet, panem sibi afferri jussit
quem ferro disiectum cum spissa una
libavit. Sic Cyrus junior honoris
cautæ è mensa sua mittere solebat ami-
cis demorsos panes, ut ijsdem vesce-
rentur. Et etiamnum hodie Moscho-
rum Dux eo maximè suam erga aliquæ
benevolentiam atque gratiam testatur,
si illi in convivio de sua mensa panem
& salem mittat. Quo honore se (cùm
primùm Maximiliani Imperatoris, ac
rursum Ferdinandi ejus neptoris lega-
tione fungeretur) à Basilio affectum
scribit Sigismundus Baro, atque hac
formula ad mensam invitatum: *Sigis-
munde, concedes sal & panem nostrum no-
biscum.* Potestne Deus majorem er-
ga nos testari benevolentiam, ac dum
nobis cœlestè aliquod lumen, piam a-
liquam inspirationem, consolationem,
rerum spiritualium saporem, sensibi-

lem devotionem, in orando gustum, in
communicando dulcedinem, in exerce-
tio virtutum svavitatem, vocationem
ad statum perfectiorem immittit? Hoc
est verè panem de mensa sua mittere,
hoc est cœlestium deliciarum frustilla
porrigere. Et quamvis apud Ethnico s Sabell. I. 1.
ignominia nota fuerit frustillis panis
imperi, ut Claudio Imperatori accidisse
scribit Sabellicus, qui insigni quadā
annonæ caritate dum in publicum pro-
diret, à populo clamore, & convitijs ex-
ceptus fragminibusque panis ita impe-
titus fuit, ut fugienti similis per posti-
cum sese in palatium recipere debue-
rit; quamvis, inquam, apud Barbaros
Ethnico haec ignominiosa; à Deo cer-
tè sic impeti non summi honoris & a-
moris signum esse non potest; sunt e-
nim hi jaetus quales amantium, dum se-
se in vice in flosculis, saccharo, fructuum
ciborumq; fragmentis inter pranden-
dum gratiose impetunt.

Attamen nihil ista ad multorum pa-
latum, qui cum Judæis suspirant ollas
Ægypti, & identidem occlamant: *quis
dabit nobis ad vescendum carnes?* Carnes Num: II. 5.
Ægyptiacas intelligo mundi volupta-
tes, quæ quidem initio sapidæ & gratæ
videntur; sed facile iterum per nares
exeunt, & vertuntur in nauseam uti
contigit populo carnivoro, cui dictum
est: *dabit vobis Dominus carnes, donec ex-
eant per nares vestras, & vertantur in
nauseam.* Sic eas citò nauseavit, qui di-
cebat in corde suo: *vadam, & affluam,* Num: II. 20
delicijs, & fruar bonis. Vix enim bene
gustaverat, statim ingenuè confitetur:
*vidi in omnibus vanitatem & afflictionem
animi.* Pulchre magnus Gregorius: *hoc
disti-*

Curt. I. 8.

*Xenoph. in
anabaf. 2.*

*Sigism: in
comment.
Moscho.*

*Greg. hom. distare fratres, charissimi, inter delicias
30. in Evag. corporis & cordis solet, quod corporales
delicie, cum non habentur, grave in se desiderium accendunt; cum vero avidè edantur, comedentem protinus in fastidium per satietatem vertunt. At contra spirituales delicia cum non habentur, in fastidio sunt; cum vero habentur, in desiderio, tantoq; à comedente amplius esuriuntur, quanto ab esuriente amplius comeduntur. Habet hoc præ omnibus escis mirabile panis, quod licet quotidie comes tus nunquam despiciat, nunquam fastidiatur: secus est in carnibus, quæ uti facillime corrumpuntur, ita si modicum fætere incipiunt, à stomacho & palato fastidiuntur. Sic B. Jacoponus, ut orexin, quam erga bubulam habebat, compesceret, frustu ejus comparavit, ac in cubiculo servavit, donec putresceret, horrendumque foeteret, quam deinde olfaciebat, & basiabatur...*

R. Hillel

Ipse nonnullos novi, qui ex solo cädaueris aspectu & olfactu per dies aliquot carnes gustare non poterant. Bene ergo dixit Rabbinorum nonnemo: qui carnem multiplicat, vermes multiplicat. Caro enim quid aliud, quam esca vermium, utpote res mortua & cadaverosa? Sed non minus pronuncia lelicebit: qui voluptates, qui delicias multiplicat, vermes & putredinem multiplicat, (delicie enim, ait Nazianzenus Orat: 38. non sunt aliud, quam pretiosum sterlus) nec vermes tantum, sed ipsam mortem, & quod morte pe-

*Ioā. Cureus 10. annal. jus, infernum.**in annal. Nullum facile legimus esu panis Siles. 1342. mortuum, carnis quā plurimos.*

Boleslaus Brigenſis Dux cum ferijs Paschalibus unā mensa tredecim gallinaeos absumpſisset, mox obiit. Severus Imperator Eboraci in Britannia cum membrorum omnium, & maximè pendulum dolorem pati nequiret, veneni vice, quod ei negabatur, eibum plurimæ carnis sumpsit, quem cum digerere non posset, cruditate periit. Domitius Afer Fabij Quinctilij Praeceptor, Neronis Principatu, cibi & carnium redundantia in cena expiravit. Childeri Sabell. l. 2. cum Saxonem, cum aliquando ad ambas usque aures cibo se ingurgitasse mortuum in lecto repertum Gregorius Ennae. 7. Turonensis autor est. Quid Epulo Evangelicus? Nonne epulabatur quotidie splendide? & post hæc sepultus est in inferno. Fuerat nempe ex numero eorum de quibus dicitur: ducunt in bonis dies suos, & in puncto ad inferna descendunt. Iob. 21. 13.

Cum Laurentio Medices in fatali lecto decumbenti cibi afferrentur, & eos porrigens rogarerit: ut sapienti cibi isti? respondit ille: ut solent morienti. O quām verē quilibet mundi conviva idem dicere potest! si enim rogetur in fine vitæ: ut ipsi sapienti convivia, nocturnæ grassationes, choreæ, symposia, oscula, amplexus, & similia; utique dicet: ut solent morienti. Tum videbit se meras mortes ex olla mundi comedisse, ut illi, qui clamabant: mors in olla. Et sicut Jonathas lamentabatur: 4. Reg. 4. gustans gustavi paululum mellis, & ecce 1. Reg. 14. morior. Ita hic lamentabitur: gu- 43. gustans gustavi paululum car- nis, & ecce æternū morior.

DOMI-